



Publicaziuns dalla vischnaunca, jamna 39

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2010 – 2097

Uffeci da construcziun bassa, Via Crappa Grossa 14, 7130 Glion; spazzar il baghetg nr. 624C sin parcella 3587, Caglia/Valzeinza, 7180 Disentis/Mustér.

Nr. 2010 – 2099

Elisabeth Küng e Claudio Levy, Burgmatt 11, 6340 Baar; novs collecturs da sulegl sil tetg dalla garascha, parcella 1319, Via Acletta 8, 7180 Disentis/Mustér.

Nr. 2010 – 2100

Lucrezia e Paul Gienal-Sac, Via Run 12, 7180 Disentis/Mustér; suttetg vid la tegia, parcella 3049, Tschuppina, 7186 Segnas/Mumpé Tujetsch.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Resultats dallas votaziuns e dall'elecziun communal dils 26 da settember 2010

Votaziun federala

Diember dils votants 1620

Participaziun alla votaziun 42%

Revisiun dalla lescha davart l'assicuranza encunter la disoccupaziun

Dau giu cedels 680

Cedels vits 18

Cedels nunvaleivels 12

Total cedels vits e nunvaleivels 30

Cedels valeivels 650

Gie 427 66%

Na 223 34%

Diember dils votants 1599

Participaziun alla votaziun 43%

Dretg da baghegiar per la fundaziun Casa da tgira Sursassiala

Dau giu cedels 687

Cedels vits 6

Cedels nunvaleivels 11

Total cedels vits e nunvaleivels 17

Cedels valeivels 670

Gie 572 85%

Na 98 15%

Elecziun communal

Diember dils votants 1599

Participaziun alla votaziun 42,6%

Elecziun dad in gerau/ina geraua

Dau giu cedels 681

Cedels vits 39

Cedels nunvaleivels 11

Total cedels vits e nunvaleivels 50

Cedels valeivels 631

Total vuschs da candidats (valeivlas) 631



Absolut pli 317

Vuschs han obteniu ed eligida ei: **Madlen Deflorin-Spescha 335**

Plinavon han obteniu vuschs: Clemens Berther 284

Ulteriurs 12

Disentis/Mustér, ils 26-9-2010

Il president: Dr. Dumeni Columberg

Igl actuar: Andri Hendry

Cussegl da vischnaunca

Eleccziun complementara

Ils 26 da settember 2010 ha la cuminonza dils votants eligi Madlen Deflorin-Spescha sco nova commembra dalla suprastonza communal. Ella remplazza naven dall'entschatta 2011 gerau Hans Huonder, che ha giu abdicau sin la fin 2010.

Cordiala gratulaziun alla nova geraua sco era cuntentientscha e satisfacziun en quei impurtont uffeci. Entras quella elecziun sto in commember dil cussegl da vischnaunca vegnir remplazzaus. Tenor art. 30 dalla lescha davart ils dretgs politics declara la suprastonza communal en in tal cass quella persuna per eligida, che ha contonschiu tier las davosas elecziuns las biaras vuschs dils candidats buca eligi. Cun quei che la persuna pertucada, Toni Huonder, desista da surpender la successiun, vegn instradau ina elecziun complementara pil rest dalla perioda d'uffeci 2009–2012.

La suprastonza communal ha, conform alla lescha davart ils dretgs politics, fixau ils suandonts datums:

L'elecziun complementara d'ina commembra ni d'in commember el cussegl da vischnaunca ha liug **dumengia, ils 28 da november 2010**. Vischinadis, partidas politics localas ni gruppas da silmeins 15 votants san proponer entochen 30 dis avon l'elecziun candidatas e candidats.

Las propostas ein da far a scret e d'inoltrar entochen **gievgia, ils 28 d'october 2010** all'administraziun communal.

Suprastonza communal

Annunzias per la fiera s. Martin

La fiera da s. Martin ha liug uonn **gliendisdis, ils 8 da november 2010**. Annunzias per stans da fiera ein da far **a scret** entochen **mesjamna, ils 6 d'october 2010** all'administraziun communal. **Annunzias suenter quei termin san buca pli vegnir risguardadas.**

Administraziun communal Disentis/Mustér

Purschida gratuita

La vischnaunca da Mustér porscha a ses habitonts la pusseivladad da visitar gratuitamein la Casa da traffic a Lucerna (www.verkehrshaus.ch). Al spurtegl dall'administraziun communal sa per **mintga di** digl onn vegnir retratg **5 entradas gratuitas**.

En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni E-Mail: admin@disentis.ch).

Nus giavischein ina nunemblideivla aventura el museum il pli frequentau en Svizra.

Suprastonza communal



Uffeci da construcziun bassa

Di dallas portas aviartas en il niev baghetg da basa a Mustér

Igl uffeci da construcziun bassa, district 6, Glion, envida ad in di dallas portas aviartas en il niev stabiliment a Mustér:

Sonda, ils 2 d'october 2010 dallas 10.00–14.00.

Il baghetg sesanfla a Plaun da Diras, suenter Mustér en direcziun Sedrun.

Bugen envidein nus Vus tier ina pintga marena. Tut ils interessents ein cordialmein beinvegni.

Administraziun cantunala dil Grischun

Clom d'urgenza 118

Agid dils pumpiers da tuttas uras!

Preziadas vischinas, preziai vischins

Las vischnauncas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnauncas, mo cunzun per las persunas che prestan survetsch. Per Vus resta denton il clom d'urgenza 118 era egl avegnir. Nus supplichein per quei Vus d'alarmar ils pumpiers adina sur quella numera da telefon e buc empruar da contactar pumpiers sin via privata. Vus levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vus sin nossa nova pagina d'internet sut www.pumpiers-sursassiala.ch.
Engraziel per Vies sustegn!

Vos pumpiers Sursassiala

Rimnada da pupi venderdis, ils 8 d'october 2010

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!
Scolas Mustér, Ch. Berger

Uniun da dunnas Mustér

L'uniun da dunnas Mustér organisescha il suandont cuors: **Figuras da Nadal**

Menadra: Marlis Lutz, Mustér

Liug: Local uniun da dunnas Mustér

Temps: **19.00–22.30**

Datums: **Mardis, ils 26-10, 2-11, 9-11, 16-11, 22-11, 30-11-2010**

Gievgia, ils 28-10, 4-11, 11-11, 18-11, 25-11, 2-12-2010

Las annunzias prendan bugen encunter:

Sigrid Loretz, tel. 081 947 40 29, natel 076 517 88 79

Marlis Lutz, tel. 081 947 57 25



UHC Desertina Bulls «Seniors»

Nus entschevin puspei cun nos trenaments:

Mesjamna, ils 6 d'october 2010, 20.00–21.30 el Center da sport e cultura Mustér.

Unihoc per in e scadin, sera da plausch.

Novs commembers ein cordialmein beinvegni.

Uniun da gymnastica UGM

La gymnastica per veterans e seniors entscheiva **gliendisdis, ils 4 d'october 2010** allas 20.00 per ils veterans ed allas 20.30 per ils seniors sco usitau el center da sport e cultura Mustér.

Sperein sin ina stedia participaziun.

Noviz ein cordialmein beinvegni.

Uniun samaritana Mustér

Nies proxim exercezi meinsil ha liug: **Gliendisdis, ils 4 d'october 2010 allas 20.00 en casa da scola, Cons.**

Sin ina stedia participaziun selegra *la presidenta*

Staziun d'anugls Disentis/Mustér:

Adatg niev!

Punctaziun d'anugls **sonda, ils 9 d'october 2010 allas 9.30 a Trun.**

Invitaziun alla radunonza generala dall'uniun Indoor-Festival

Sonda, ils 9 d'october 2010
allas 20.15 el hotel Cucagna, Mustér.

Tractandas:

1. Beinvegni
2. Elecziun da dus dumbravuschs
3. Approbaziun dil protocol dalla davosa radunonza generala
4. a) rapport dil president
b) rapport dil cassier
5. Approbaziun dil quen annual e rapport diils revisurs
6. Budget 2011
7. Elecziuns: actuar, in assessur ed in revisur da quen
8. Entradas/extradas
9. Contribuziuns annualas
10. Informaziuns Raiffeisen Indoor-Festival 2011
11. Varia

A caschun dil Raiffeisen Indoor-Festival 2010 havein nus registrau in DVD. Quella presentein nus a tut tgi che ha interess suenter la radunonza.

Cordialmein envida
suprastonza Uniun Indoor-Festival



**Trenament dad unihoc
per affons da scola (1.–4. classa) el center da sport e cultura Mustér**

Entschatta dils trenaments: **mesjamna, ils 13 d'october 2010** dallas 18.00–19.00.

Persuna da contact: Florian Zanin, florian.zanin@sunrise.ch, 076 565 11 80

Einladung: Feldgottesdienst auf Salaplauna

Einweihung Sontget auf der Salaplauna am Sonntag, 3.10.2010, um 10.30 Uhr. Feldgottesdienst und Einweihung Sontget mit anschliessendem Mittagessen auf der Salaplauna. Der Anlass findet bei jeder Witterung statt.

Invitaziun: S. Messa a Salaplauna

Dumengia, ils 3-10-2010 allas 10.30 s. Messa sut tschiel aviert e benedicziun dil Sontget, silsunter gentar comunabel sil parcadi dalla cuort claustrala silla Salaplauna.

Center sursilvan d'agricultura

Sentupada dils Lumnezians che vivan a Mustér

Tut las Lumnezianas ed ils Lumnezians, ch'ein carschi si ed han il dretg da burgheis en Lumnezia, ein envidai cordialmein a nossa sentupada.

Quella ha liug **sonda, ils 9 d'october 2010 allas 18.30** el hotel Furka a Mustér.

Cars Lumnezians, nus selegrein sin ina biala sera cun tscheina e legras uras da cumpignia.

Annunzias entochen ils **24 da settember** pren encunter: Regina Giger-Caminada, tel. 081 936 43 55, ni natel 079 228 53 23.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Praulas e historias cun Mats, la miur

Eis ti denter 2 e 6 onns?

Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas e quei mintga gada il secund venderdis dil meins dallas 14.30 entochen ca. allas 15.30 uras. Nus selegrein zun fetg sin tei ...



Tgisà, forsa anflein nus mintgaton aunc enzatgei auter che mo cudischs en nossa valischa da surpresas!
Cun ils pli cars salids e sin seveser tochen gleiti.

Mats, la miur ed il team dalla biblioteca populara, Mustér

Termins:

8 d'october, 12 da november, 10 da december 2010, 14 da schaner, 11 da fevrer, 11 da mars, 8 d'avrel, 13 da matg ed ils 10 da zercladur 2011.

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

La biblioteca populara presenta uniuns localas:

Naven dils 13 da settember entochen ils 8 d'october 2010 sepresenta l'uniun da costums Mustèr.

Biblioteca populara Mustér
